

## Ho nín-yání vūahũ na ó o Piere túara

### *Vūahũ túaró nūhũ*

O Piere nín-yání vūahũ ó o túara nɔn 6a kèrètíewa na saawaa wi ho Azii Minɛere kãna búu yi. Nún-sí lé o Poole, tàá bĩa làa wo pánia sá á zéenia le Dónbeenĩ bĩo làa ba, á 6a tàráa mu yi. Ba núpua fù wee bàká 6a yi, á wee beé 6a lò bĩo 6a dó mí sía o Yeesu yi bĩo yi. Lé bũn te bĩo ó o Piere túararáa ho vūahũ na kà nɔn 6a yi, á henía 6a sía, à 6a yara sí a Yeesu \*Krista, à wé fárá tĩn le lònbee pãahũ, làa bĩo ó o Yeesu na bĩo nɔn 6a kãníanáa á wóráa mu. O Piere leékaa 6a làa bĩo le Dónbeenĩ kãníanáa 6a, làa bĩo le wó á 6a yúráa le síidéro o Yeesu Krista hómú là a vèeró pánká yi, á dó mí sía wee lòní binbirĩ. O henía 6a sía bèra a na, à 6a wíoka fání mí yĩo, à 6ua mítén sese 6a páníló là a Krista bĩo yi. Bĩo ó o Yeesu 6uannáa mítén le lònbee lè mí síiwà na yú a yi, lé bũn 6àn síi á 6arén mún ko 6a bè yi. O Piere nɔn le zéeni lè mí síiwà 6a yi, bèra a na à 6a zũn mín 6uaró mu bĩo 6úen6úen yi, à bĩa yí zũ le Dónbeenĩ wé mi mu, à bán mún tà le Dónbeenĩ bĩo, à wé 6úaaní le.

### *Le tɛɛni*

<sup>1</sup> Inén Piere na lé o Yeesu \*Krista tonkaro lé mi wee túa ho vūahũ na kà. I wee túa ho á à na bĩa le Dónbeenĩ hueekaa wó lè mí nĩpomu yi, na saawaa wi mu nĩ-hãmu yi ho Pɔn, lè ho Kalasii, lè ho Kapadoosi, lè ho \*Azii, lè ho Bitinii kãna yi.

<sup>2</sup> O Maá Dónbeenĩ hueekaa mia á héhaa làa bïo le fèra le mí ì wé làa bũ, á wó mia lè mu ñipomu na bïo sã le yi mí Hácírí pànká yi. Le wó mu bèra a na ò o húmú ho \*kùrùwá wán pànká yi, à mi wé 6a nùpua na wee ce le Dónbeenĩ yahó, à wé wé bïo ó o Yeesu Krista le mi wé. Le le Dónbeenĩ wíoka wé wé mí sãamu làa mia, à wíoka wé na mí héerà mia.

*Wa sɔadéro à lòní ho káníló bïo*

<sup>3</sup> Mi wa 6uaaní le Dónbeenĩ, dén lé wa Núhũso Yeesu \*Krista 6àn Maá. Le minka tentemu bïo yi, á le wó á wa yú le mukõn-finle o Yeesu Krista na lá húrun na á le vèniá pànká yi. Lé bũn bïo yi á wa dó wa sɔa wee lòní làa sòobéε,

<sup>4</sup> á pannáa bïo bïo sã le ñipomu yi na le bàrá ho wáayi ká làa mia. Bũn bïo so yí máa yáa, timu mia mu yi, mu yí máa yèrèma.

<sup>5</sup> Bïo mi dó mi sɔa le Dónbeenĩ yi, á le dànló pan mia, bèra a na à mi yí ho káníló, hĩa bïo wíokaa vó díá pan mí zéeníló ho ðímíjɔá vé nònzoñ.

<sup>6</sup> Lé bũn bïo yi, á mi wee zãmakarãa làa sòobéε, hàrí ká le lònbee lè mí síwà wee yí mia hã laà na kà wán ho pòn-za yi.

<sup>7</sup> Ho sãnú yàá lé mu bïo na wee yáa. Εε ká ho màhá pá wee wé pà ho dõhũ yi, à zũñnáa le ho lé ho sãnú binbirĩ. Lé kà síi á minén sɔadéro le Dónbeenĩ yi na bïo ñúhũ wi làa sòobéε po ho sãnú 6àn kúará mún ko lè ho khénló, à zũñnáa le mi dó mi sɔa binbirĩ le yi. Ká mi sɔadéro le Dónbeenĩ yi fàrá tina, á pãahũ na ó o Yeesu Krista khíi 6ueé zéení mítén yi, á mi ì yí le khòonii, lè ho cùkú, lè le kònbi.

<sup>8</sup> O Yeesu mu á mi yí mɔn, à mi ñòn pá wa a. Hàrí bïo mi pá ðìn yí máa mi a mí cúee, à mi dó mi sɔa

wo yi. Lé bǔn nǎn á mi wiráa le sí-wεε yi làa sòobée. Dén sí-wεε so bǐo á yí dà máa bǐo.

<sup>9</sup> Mi wi le sí-wεε yi, lé bǐo mi dó mi sía o Yeesu yi ó o kǎnía mia.

<sup>10</sup> Le Dónbeenǐ jǐ-cúa fεεrowà yánkaa cinciíra ho kǎnǐlò mu bǐo làa sòobée, á fεera hǎ jǐ-cúa na bǐo ciran mu sǎamu na le Dónbeenǐ le mí ì wé làa mia.

<sup>11</sup> O Krista Hácírí\* kera lè 6a jǐ-cúa fεεrowà mu, á le lònbee na ó o ò kǎa yi, lè ho cùkú na ó o ò yí mu bǎn món, á le Hácírí mu fèra zéénia bǐo làa ba. A 6a cà lè mí sòobée à zǔn mu wéró pǎahǔ, làa bǐo mu ù wéráa síí.

<sup>12</sup> A mu zéénia làa ba le mu biowa mu bǎn jǐ-cúa na 6a wee fεε á bǐo yí ciran 6arén mí beere, ká mu lé minén á mu ciran. A lé bǔn á bǐa wee bue le bín-tente hǎ laà na kà wán á zéénia làa mia lè le Dónbeenǐ Hácírí na ló ho wáyai pǎnká. Ho wáyai tonkarowà yàá mún sía vá à 6a zǔn mu bǐo mu.

### *Bǐo le Dónbeenǐ nǐpomu ko 6a 6ua lè mǐten*

<sup>13</sup> Lé bǔn nǎn, à mi wǎa fání mi yǐo le Dónbeenǐ tonló sáró bǐo yi, à zǔn mǐten 6uaró. Mi dé mi sía làa sòobée à lònǐ mu sǎamu na le è wé làa mia o Yeesu \*Krista bǐnǐ bǐen nǎnzoñ.

<sup>14</sup> Bǐo mi lá đǐn yí zǔ le Dónbeenǐ bǐo yara á bǐo mi sía lá wé vá wéró yi na yí se á mi wǎa día, ká mi wé wé bǐo le Dónbeenǐ le mí wé.

<sup>15</sup> Le Dónbeenǐ na von mia á wee ce, á minén mún wé 6a nǔpua na wee ce le yahó mi bǐo 6úen6úen yi.

---

\* **1:11** Krista Hácírí: O Krista Hácírí na bǐo bía hen lè le Dónbeenǐ Hácírí lée dà-kéní

16 Mu bon, mu túara le Dónbeenĩ biónĩ vūahũ yi kà síi: «Mi keń mu cemu yi, lé bĩo á ńén wee ce.»†

17 Bĩo ká mi wee fio, à mi ve le Dónbeenĩ lè mĩn Maá, dén na yí máa hueeka 6a nùpua mĩn yi, le wee cíti 6a búenbúen à héha làa bĩo 6a ńi-kení kení wó. Le yí máa hueeka 6a mĩn yi. Awa, á mi 6ua miten à zéeni le mi wee k̀nbi le Dónbeenĩ ho p̄ahũ na mi ì wé ho tá wán yi.

18 Le Dónbeenĩ léra mi ɲúná bĩo mi lá wee 6ua lè miten yi, bún na mi kenía mĩn maáwà c̄n na ɲúhũ mía. Mi zũ le mu yínɔ́n le wárí tàá ho s̄nú na wee yáa á le wó làa bú.

19 Bùéé, o Yeesu Krista, yía ka lòn muini pioza na á fianĩ woon mía yi, lé wón c̄ni na bĩo ɲúhũ wi binbirĩ p̄nká yi á le léraráa mi ɲúná.

20 Le Dónbeenĩ fèra léra a mu bĩo yi, ká bĩo búí ãn yí léra, á hã p̄nna véeni na kà yi, ó o \*Krista mu wáa zéeniá mĩten minén bĩo yi.

21 Lé o Krista bĩo yi á mi dóráa mi s̄ia le Dónbeenĩ yi, dén na vèeniá wo á dó ho cùkú yi. Lé bún wó á mi dóráa mi s̄ia le Dónbeenĩ yi wee lònĩ bĩo le le mí ì wé.

22 Ho tũiá poni biónĩ na mi bò yi lé dén n̄n á mi wee ceráa le Dónbeenĩ yahó, bèra a na à le waminĩ binbirĩ keń mia. Awa, á mi cén wań mĩn làa sòobéé lè hã yiwa na wee ce.

23 Mu bon, mi wáa binía ton, ká mi màhá yínɔ́n nùpua na ton à bĩo s̄i mu húmú yi. Lé le Dónbeenĩ biónĩ na wi b̄n f̄éé p̄nká yi á mi tonnáa, dén na wee na le mukãni binbirĩ.

† 1:16 Mi lorĩ Levii nùwá vūahũ (Lévitique) 19.2

24 Mu bon, mu túara le Dónbeenĩ biónĩ vūahũ yi kà síi:

«Ba nùpua búenbúen ka lè le jíní bǐo síi,  
á ho cùkú na ɓa wee yí ka lè le púíílè bǐo síi.

Le jíní wé he, à le púíílè di,

25 ká a Núhũso biónĩ dén wi bín féeεε hã lúlúio na jii  
mía yi.»‡

Dén biónĩ so lé le bín-tente na buera nɔn mia.

## 2

1 Awa, á mi khi mu sũnsũmámu lè mí síiwà yi. Mi wé yí fũaa sabióní hùúu, mi yí wé nĩ-khàwa, mi wé yí dí yandee hùúu, mi wé yí jùu nùpua à yáa ɓa yènnáa.

2 Mi wañ le Dónbeenĩ biónĩ mí dòn làa bǐo ɓa kúnkúzàwa waráa mi nuwà yoomu bǐo síi, bèra a na à mi dá le Dónbeenĩ bǐo dǎní yi mi kǎníló bǐo yi.

3 Mu bon, mi zũna bǐo ó o Núhũso seráa.

### *Bĩa dór mí sĩa le Dónbeenĩ yi lé le nǐpomu*

4 Mi vá ɓuee ɓúe o Yeesu yi, wón na lé le mukǎnĩ ɓànsɔ, na ka lòn huee na ɓa nùpua pǎ día, ká lé lerén á le Dónbeenĩ màhã léra, le bǐo jùhũ wi le cón làa sòobéε.

5 Minén mún le mukǎnĩ wi yi, á mi mún ka lòn huaa. Awa, á mi día le le Dónbeenĩ khiii mia soráa le zii na le Dónbeenĩ Hácírí wi yi, à wé le \*Dónbeenĩ yankarowà na wé è ya hã muiní làa bǐo le Dónbeenĩ Hácírí mu le mu koráa, hĩa le wé è tà bǐo o Yeesu \*Krista bǐo yi.

6 Mu bon, bǐo kà lé bǐo túara le Dónbeenĩ biónĩ vūahũ yi: «Mí loń, í léra le huee na wee ɓua ho soró đíní, đío bǐo jùhũ wi làa sòobéε, á à bàrá ho lóhó na

‡ 1:25 Mi loń Ezayii vūahũ 24.25

6a le \*Sion yi. Yia á à dé mí s̄ii le yi á ñiyio máa dí hùúu.»\*

<sup>7</sup> Awa, á minén na w̄aa dó mi s̄ia o Yeesu yi, minén á à yí le k̄n̄bii. Ká b̄ia yí dó mi s̄ia wo yi, á mu túara: «Le huee na 6a so-sowa lá p̄á díá lé d̄io h̄ia b̄in̄ia 6ueé 6uan ho soró d̄in̄ia.»†

<sup>8</sup> Á mu mún túara: «Le lé le huee na wee k̄k̄k̄n wán, ho 6úaa hó na wee lùwá a n̄upue».‡ Bán wee k̄k̄k̄n le wán lé b̄io 6a p̄á le Dónbeen̄i b̄ion̄i b̄io. Á b̄ún lé b̄io mún s̄á 6a yi.

<sup>9</sup> Εε ká minén bán lé mu ñipomu na léra, á lé 6a yankarowà na b̄io s̄á a b̄éε yi. Mi lé ho s̄ii na wee ce le Dónbeen̄i yahó. Le Dónbeen̄i wó mia lè mí ñipomu, bèra a na à mi bue le bè-beera na le wó b̄io, dén na léra mia le t̄ib̄irí yi á dó mí khoomu na 6àn s̄ii m̄ia yi.

<sup>10</sup> Mi yánkaa lá ȳin̄a Dónbeen̄i ñipomu, ká h̄a laà na kà wán á mi w̄aa lé le ñipomu. Le Dónbeen̄i lá yí máa wé le hii làa mia, ká h̄a laà na kà wán á le wee wé le làa mia.

### *Mi 6ua miten sese b̄ia yi z̄u le Dónbeen̄i t̄ah̄u*

<sup>11</sup> Minén na á ï wa làa s̄ob̄éε, mi lé 6a ñi-h̄an̄i ho tá wán na kh̄ii lé á à lén. Á ï wee hení mu ù na mia, à b̄io 6a n̄upua s̄ia wee vá yi na yí se, b̄io wee yáa o n̄upue muk̄an̄i binbirí b̄io à mi kh̄ennáa.

<sup>12</sup> Mi 6ua miten sese b̄ia yi z̄u le Dónbeen̄i t̄ah̄u. Mi 6ua miten làa b̄ún, bèra a na ká 6a wee yáa mi yèni le mi lé 6a bè-kora wérowà, à 6a mi mi wén-tentewà, à dé ho cùkú le Dónbeen̄i yi p̄ah̄u na á dén ñ z̄éeni miten làa ba yi.

---

\* **2:6** Mi loñ Ezayii v̄uah̄u 28.16    † **2:7** Mi loñ Lení v̄uah̄u (Psaumes) 118.22    ‡ **2:8** Mi loñ Ezayii v̄uah̄u 8.14

*Le kǎnbi na ko lè ho pànká ya-díwá*

<sup>13</sup> Mi wé liiní miten na ho pànká ya-díwá búenbúen yi mi páaníló là a Nùhúso bǐo yi. Mi wé liiní miten na a b́éé yi, wón á wi ́a búenbúen jùhú wán,

<sup>14</sup> à mún wé liiní miten na ́a júnása yi, bán na ó o wee tonka à ́a beé ́ia wee wé mu bè-kora lò, ká ́a wíoka ́ia wee wé mu bǐo na se yènnáa.

<sup>15</sup> Mu bon, bǐo sí le Dónbeení yi lé à mi wén-tentewà bǐo yi, à ́ia wee bío há bín-conconwà na yí zū le dèé à yí dàn bío bǐo búí mi dǎní yi.

<sup>16</sup> Mi ́ua miten lè ́a nùpua na wi miten bǐo síi. Ká mi màhá yí bè bún yi à wé wéráa mu bè-kora. Mi wé le Dónbeení ton-sáwá binbirí.

<sup>17</sup> Mi wé kǎnbi ́a nùpua búenbúen, à waí mǐn zàwa lè mǐn hínni kèrètíewa. Mi wé hézán le Dónbeení, à wé kǎnbi o b́éé.

*Mi ko mi wé tà le lònbee yi là a Krista bǐo síi*

<sup>18</sup> Minén ton-sáwá, mi wé bè mi júnása bíoní yi lè le kǎnbii binbirí. Mi wé yí wé mu làa ́ia sía se á wayika mí dòn, ká mi mún wé wé mu làa ́ia lònbee wi.

<sup>19</sup> Mu bon, ká a nùpue wee hí mí síi le lònbee na lá yí ko le yí o yi le Dónbeení kǎnbii bǐo yi, se mu léé bǐo na se.

<sup>20</sup> Ká ́a wee ha mia mu bè-kora na mi wó bǐo yi á mi há mi sía, se bún so cùkú wi le? Éé ká ́a wee beé mi lò mu bè-tentewà na mi wee wé bǐo yi à mi há mi sía, se bún léé bǐo na se le Dónbeení yahó.

<sup>21</sup> Lé bún wéró bǐo yi le Dónbeení vonnáa mia, lé bǐo ó o \*Krista mí beere mún lò bon mi bǐo yi. O wó mu zéénia làa mia, bèra a na à mi bè mu yi.

22 O yí wó bè-kohó yí mən, o yí fã sabéré yí mən.

23 Ba nùpua là a, ká arén yí là nùpue. Bĩa beéra a lò ó o yí là làa hεεrè, ká a màhã dó mí bïo le Dónbeenĩ níi yí, dén wee cítí 6a nùpua làa bïo téréna.

24 Orén mí bεεre lò bon wa bè-kora bïo yí ho \*kùrùwá wán, bèra a na à mu bè-kora dǎní yí à wa wé lòn nùpua na húrun, ká wa keń le mukāńi yí bïo téréna wéró bïo yí. Le lònbee na ó o lá lé dén weéra mia.

25 Mu bon, mi lá ka lòn pia na vũnun, εε ká hã laà na kà wán á mi wãa yèrémáa 6uara mi paro cǎn, yĩa wee pa mi mukāńi bïo.

### 3

#### *Bïo 6a hãawa le mí bǎrání ko 6a wé 6ua làa min*

1 Làa bũn síi á minén hãawa mún wé liiní miten na mí bǎrání yí, bèra a na, ká mí bǎrání búii na pǎ yí dó mí sía le Dónbeenĩ bíonĩ yí á mən bïo mi wee 6ua le miten, à bán dé mí sía le yí ká bíonĩ yí bíi yí nən 6a yí,

2 lé bïo 6a wee mi bïo mi wee 6ua le miten sese, làa bïo mi wee kǎnbiráa 6a.

3 Mí yí le miten wíokaró à wé mi sǎńia wíokaró, lòn núná páró, le mu bè-zínia na wó le ho sǎnú, le hã sí-sení zíló.

4 Ká mí le miten wíokaró à wé mi yiwa wíokaró, bũn na lé le síi na máa yáa, na wayi, na wi ho hεεrà yí. Bũn lé bïo bïo nũhũ wi le Dónbeenĩ cǎn làa sòobéε.

5 Lé làa bũn á 6a hãawa na dó mí sía le Dónbeenĩ yí, na bïo sǎ le yí yánkaa wee wíokaráa míten, 6a yánkaa wee liiní míten na mí bǎrání yí,



<sup>6</sup> là a hãa na 6a le Sara bïo síi. Wón yánkaa wee bè bïo á 6àn báa \*Abarahaamu le o wé yi, á wee ve o le mí nùhũso. Minén á à wé wón Sara so mòmànía mu tentemu na mi wé è wé bïo yi, ká zǎní woon yí lùnka mi yilera.

<sup>7</sup> Minén báawa bèn mún zǔn le mi hǎnání na mi wiráa á pànkáwá tà mía. Mi wé 6ua 6a sese, à wé kǎnbi 6a, lé bïo 6arén làa mia á à páanì ì yí mu hãmu na lé le mukǎnì binbirì. Mi wé wé ká síi bèra a na à bïo 6úi yí bùmaka mi fióró.

*Mi ko mi wé wé bïo téréna*

<sup>8</sup> Awa, á mi 6úen6úen le mi yilera wé dà-kéní, à zǔnín mín màkárí, à wań mín. Mi wé 6a nùpua na sía se, à wé liiní miten na mín yi.

<sup>9</sup> Yia wé wó khon làa mia à mi yí wí mu kee. Yia wé là mia à mi yí là 6ànso. Mu bè-tentewà lé bïo á mi wé fan na mín yi. Mu bon, le Dónbeenì von mia bún bïo yi, bèra à na à mi yí mu bè-tentewà na le dó mí jii le mí ì na mia.

<sup>10</sup> «Mu bon, yia wa ò o keń le mukǎnì yi,  
à síi wizooní wé se,  
à 6ànso khí hã bín-kora bíoró yi,  
à wé yí fũaa hã sabíoní.

<sup>11</sup> Bànso pí mu bè-kora wéró, à wé wé bïo téréna,  
à wé cà ho héèrà féeè.

<sup>12</sup> Mu bon, o Nùhũso wee pa bia wee wé bïo téréna bïo,  
o wee jí 6a fióró.

Ká bia wee wé mu bè-kora bán ó o pá bïo.»\*

<sup>13</sup> Ká mi can mi kuio mu bè-tentewà wéró yi, á nùpue so ò wé bè-kora làa mia le?

\* **3:12** Mi loń Lení vǎahũ (Psaumes) 34.13-17

14 Hàrí ká le lònbee á à yí mia bïo mi wee wé bïo téréna bïo yi, se mi núná sí. Mi yí zón bïa dà à beé mi lò, à mi mún yí lúnka mi yilera.

15 Ká mi òuaaní a \*Krista mi sía yi, à zūrín le o lé o Núhúso. Mi wé wíoka miten, bèra a na ká nùpue wé tùara mia làa bïo mi dó mi sía wee lòní bïo, à mi dàń zéení mu yara.

16 Ká mi màhá wé wayí miten à wéráa mu, lè le kònbií, lè le yi na yí máa dè, bèra a na à bïa wee bàká mia, na wee là mia lé bïo mi wee òua miten làa bïo mu koráa mi páaníló là a Krista bïo yi, à há n̄yio dí.

17 Mu bon, ká mu lé le Dónbeení síi bïo ò o nùpue lò be bïo ó o wee wé mu bïo na se bïo yi, bún s̄uaaní bïo le lònbee á à yí o mu bè-kora na ó o wee wé bïo yi.

18 Mu bon, o Krista mí b̄ere lò bon òa nùpua óúenóúen bè-kora bïo yi. Wón na yí wó bè-kohó yí m̄on á húrun le cúekúee òa bè-kora wérowà bïo yi, bèra a na ò o dàń òua mia varáa le Dónbeení c̄s̄n. Ba ó a, ká a màhá vèera le Dónbeení Hácírí pánká yi.

19 Lé dén Hácírí so pánká yi ó o mún vaá buer-aráa le bín-tente n̄on bïa wí òa ní-hía lùe yi lòn kàsósa.

20 Ba lé bïa h̄ia p̄á le Dónbeení bïo, á dén há mí síi òa bïo yi o N̄owee won-beení wíokaró p̄ahũ. O won-beení mu á ní-kúii h̄ia yí zon, léee nùpua nùwā h̄et̄in mí dòn, bán lé bïa le Dónbeení k̄anía mu n̄un-beení yi.

21 Mu h̄ia wee zéení ho \*bátèèmu na wee k̄aní mia há làa na kà wán bïo. Ho bátèèmu yín̄oní wa s̄anía timu á ho wee s̄e lén. Ho wee zéení le wa

lé 6a nùpua na tà bò le Dónbeenĩ yi là hã yiwa na wee ce. Bũn wó o Yeesu Krista vèeró pànká yi.

<sup>22</sup> O Yeesu mu yòora ho wáayi, á yòó wi le Dónbeenĩ nín-tíání. Le Dónbeenĩ wáayi tonkarowà là hã pànkáwá búenbúen là mí síiwà ó o wi púhũ wán.

## 4

### *Le muk̄n-finle bio*

<sup>1</sup> Bĩo ó o \*Krista lò bon mí sãnía yi kà síi, á minén mún le hã yilera mu síi keń mia. Mu bon, yĩ sãnía lò bon, wón wãa bĩnía mía bè-kora wéenií.

<sup>2</sup> A mi síi wizooní na mi ì wé ho tá wán á mi wãa yí ko à mi wé wé bĩo mí sía wee vá yi na yí se, ká mi wé wé bĩo sí le Dónbeenĩ yi.

<sup>3</sup> Mu bon, ho pãahũ na khiĩna yi, á mi sòobáa wó bĩa yí zũ le Dónbeenĩ sía bĩo. Mi lá wee wé mu koomu là mí síiwà, á wee wé bĩo mí sía wee vá yi na yí se. Mi lá lé 6a ja-juwà là 6a dándíwá, á lá wee hã hã wõnna, bũn na le Dónbeenĩ jina.

<sup>4</sup> Ká hã làà na kà wán á 6a wó coon bĩo mi yí lééra mu koomu là mí síiwà na 6a wee wé yi làa ba, á 6a wãa wee là mia.

<sup>5</sup> ÈÈ ká 6a màhã khiĩ fÈÈ bĩo 6a wó tũíá làa yĩa wíokaa mítén vó 6a yèn-vèeniasa là 6a nĩ-hía cítíró bĩo yi.

<sup>6</sup> Lé bũn bĩo yi á le bín-tente mu buera nònnaa bĩa húrun yi. Mu lé bĩa húrun mu húmú na 6a nùpua búenbúen ko 6a yí mu bè-kora bĩo yi. Le buera nòn bèra a na à 6a yí le mukãní binbirĩ le Dónbeenĩ Hácírí pànká yi.

*Mi ko mi wé zũn mìn guaró*

<sup>7</sup> Hen làa c̄inú ká mu b̄io búenb̄úen á à vé. A mi cén fání mi ȳio à z̄ún miten buaró, à mi wé dàń fió.

<sup>8</sup> B̄io n̄úh̄ú wi làa s̄obéé lé à mi wań mín lè mi s̄ia búenb̄úen. Mu bon, mi wé s̄én mu bè-kora c̄èrèè díá.\*

<sup>9</sup> Ȳia wé van ȳia c̄ón, ò o bua a sese, ká a yí khi mí kíó yi à wéráa mu.

<sup>10</sup> Mu b̄io wéró p̄ánká na le Dónbeenĩ n̄on mi n̄i-kéní kéní yi á mi wé s̄ení làa mín. Ká mi wee wé ká síi, á mu tentemu lè mí síwà na le Dónbeenĩ wó làa mia á mi ì dàń ñ pa b̄io sese.

<sup>11</sup> Ȳia le b̄ionĩ b̄ioró p̄ánká n̄on yi à wón wé b̄io le Dónbeenĩ b̄ionĩ na ɓa n̄upua yi. Ȳia lée ton-sá, à wón wé sá lè ho p̄ánká na le Dónbeenĩ n̄on wo yi, bèra a na à mu b̄io búenb̄úen yi à ho cùkú b̄io s̄ĩ le Dónbeenĩ yi o Yeesu \*Krista p̄ánká yi, wón na ho cùkú lè ho p̄ánká á b̄io s̄á yi h̄a lúlúio na n̄ii mía yi. \*Amiina!

### *B̄ia lò wee be o Krista b̄io yi n̄un-s̄ini b̄io*

<sup>12</sup> Minén na á ĩ wa làa s̄obéé, mi yí le le lònbe-s̄úmú na wee yí mia à b̄io wé mia coon, à k̄éń lè le lá yí ko à le yí mia.

<sup>13</sup> Mi yàá w̄éé mi s̄ia b̄io mi lò wee be b̄io yi làa b̄io ó o \*Krista lò bonnáa b̄io, bèra a na ká a khi z̄éenia mítén mí cùkú yi, á mi s̄ia mún ñ wa, á à z̄ámaka làa s̄obéé.

<sup>14</sup> Hen ká ɓa n̄upua wee là mia o Krista b̄io yi, se mi n̄úná s̄ĩ, lé b̄io le Dónbeenĩ Hácírí cùkúso á wi làa mia.

<sup>15</sup> O b̄úí mi t̄ah̄ú lònbee n̄úh̄ú á yí ko à mu wé b̄io á ɓanso lé o n̄i-b̄úe, tàá k̄ɛnlo, tàá bè-kora wéro, tàá

---

\* **4:8** Mí loń Wáhio v̄uh̄ú (Proverbs) 10.12

bïo á bânso wee héε dé mí jii hã tûiáwà na yí ciran wo yi bïo yi.

<sup>16</sup> Εε κά α βύι màhã lò wee be bïo ó o lé o kèrètíε bïo yi, à bânso yí nÿi mu bïo yi. Bânso yàá dé le Dónbeenĩ bárákà bïo ba wee ve o là a kèrètíε bïo yi.

<sup>17</sup> Mu bon, le cítii fló pãahũ dõn, á le n̄n̄ ñ búaká lè le Dónbeenĩ n̄pomu. Ká le wee búaká lè warén na lé le n̄pomu, á bïa pã yí dó mí sïa le Dónbeenĩ bín-tente yi bán bïo bèn ñ wé kaka coon?

<sup>18</sup> «Ká bïa wee wé bïo térénna wee kãa le lònbee lè mí sïwà yi à fennáa, á bïa yí bò le Dónbeenĩ yi lè ba bè-kora wérowà bán bïo bèn ñ wé kaka coon?»†

<sup>19</sup> Awa, á bïa lò wee be à héha lè le Dónbeenĩ sïi bïo wíoka wé wé bïo se. Ba wãa día mí bïo le níi yi, dén na léra mu bïo búenbúen. Hen ká le dó mí jii le mí ì wé bïo na, à le wé mu.

## 5

### *Ba ya-díwá zéenti na n̄n̄ ba yi bïo*

<sup>1</sup> Hã laà na kà wán á ï bionĩ yahó bèn ñ sï ba ya-díwá na wi mi kuure yi. Inén mún lé o ya-dí lè ba bïo sïi. I lé o seéràsò le lònbee na yú a \*Krista dání yi, ó o cùkú na le Dónbeenĩ khíi zéení á ba nùpua á à mi á ï ì keñ yi.

<sup>2</sup> Le Dónbeenĩ n̄pomu na le kàràfáa mia na ka lòn pi-6oohũ á mi wé pa bïo sese. Mi wé yí wé mu lòn bïo na ba kíkãa mia le mi wé, ká mi wé wé mu lé bïo mu ló mi sïa yi, à wé wé mu làa bïo le Dónbeenĩ le mu koráa. Mi mún wé yí wé mu le wárí càró bïo yi, ká mi wé wé mu lè mi sïa búenbúen.

† 4:18 Mi lon Wáhio vùahũ (Proverbs) 11.31

<sup>3</sup> Bĩa le Dónbeenĩ kàràfáa mia á mi wé yí wé pànká wán lòn bá-zàwa, ká mi wé wé bĩo se, à 6a wé mi à bè yi.

<sup>4</sup> Ká mi wee wé kà síi, ká yĩa ka lòn pi-pa na wee pa wa búenbúen bĩo kšíi 6uara, á mi ì yí le sàánĩ na cùkú wi, dĩo máa yáa.

*Le zéeni na yahó sã 6a kèrètłewa kuure bĩo*

<sup>5</sup> Minén yàrówá mún wé bè 6a ya-díwá bioní yi, mi búenbúen wé liiní miten na mín yi. Mu bon. «Bĩa wee yòoní mítén á le Dónbeenĩ pã bĩo, ká le màhá wee wé mí sãamu làa bĩa wee liiní mítén.»\*

<sup>6</sup> A mi cén liiní miten le Dónbeenĩ na dà mu bĩo búenbúen yahó, bèra a na à le yòoní mia ho pãahũ na mu ko yi.

<sup>7</sup> Mu bĩo búenbúen na mi yilera wee lùnka bĩo yi á mi dé bĩo le Dónbeenĩ níi yi, lé bĩo le wee pa mi bĩo.

<sup>8</sup> Mi zũn miten, à fání mi yĩo, mi zúkúso na lé o \*Satāni na ka lòn kúden na wé hée wunwún ká a muù, á wee cà yĩa ó o ò yí á à là.

<sup>9</sup> Mi wíoka fàrá mi siadéro le Dónbeenĩ yi tĩnĩ, à sánsá a. Mi zũ le mĩn zàwa lè mĩn hínni kèrètłewa na wi ho dímĩjã yi mún lò wee be lè mi bĩo síi.

<sup>10</sup> Mi lò á à be ho pòn-za dèe yi. Eε ká le Dónbeenĩ ì wé á mi bĩo búenbúen bĩnĩ ì wé se, á mi siadéro á à wíoka à fàrá à tĩn, le è dé ho pànká mia, le è wé á bĩo búí máa dèké mia máa yí. Lé lerén wee wé mu bè-tentewà lè mí síiwà. Le von mia bèra a na à mi níni kēn le cùkú na jii máa yi mi páníló là a \*Křta bĩo yi.

<sup>11</sup> Ho pànká á bĩo sã le yi féeε. \*Amiina!

---

\* 5:5 Mĩ loń Wáhio vřahũ (Proverbs) 3.34

*Le mǎndén tɛɛní*

<sup>12</sup> O Silivɛn, yǎa lé wàn za kèrètɛ na á ï láa yi, lé wón séeníá mi túararáa ho vǎn-za na kà. I túara ho à henínáa mi sía, à zéení láa mia le le Dónbeení sǎamu binbirí búnn lé bǐo mi wi yi.

<sup>13</sup> Ba kèrètɛwa kuure na wi ho \*Babiloona yi hen, bia le Dónbeení hueekaa lè mi bǐo síi á wee tɛɛní mia. I za Maaki mún wee tɛɛní mia.

<sup>14</sup> Mi tɛɛní mún yi sese. Le ho h́érà à kɛí lè mi búenbúen na páanía là a Krista!

**Dónbeenì páaní fīnle vūahũ**  
**New Testament in Buamu (UV:box:Buamu)**

copyright © 2012 Wycliffe Bible Translators, Inc.

Language: Buamu

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Buamu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---



PDF generated using Haiola and XeLaTeX on 13 Nov 2024 from source files  
dated 30 Dec 2021  
331a1641-e36a-5300-8cb1-c9476fcef9bf